

Skal fullføre arbeidet ved Høgemurane

I går starta arbeidet med å utvide fylkesveg 615 ved Høgemurane i Hyen.

– Trafikantar må bu seg på inntil ein halvtimes ventetid dei neste månadane. Vi tek sikte på å vere ferdige innan nyttår, seier byggjeleiar Jørn Inge Grytten.

«Koronamidlar»

Fylkeskommunen har sidan i fjor gjort utbetringar fleire stader på fv. 615 mellom Hyen og Storebru, men det var ikkje midlar att til å ta den høgste fjellskjeringa ved Høgemurane.

Tidlegare i år vart det klart at strekninga skulle få ein del av ekstraløyvinga frå staten, «koronamidlar», som skulle gå



Høgemurane på Fv. 615 i Hyen. Foto: Statens vegvesen.

til vedlikehald av fylkesvegar. I alt var det sett av fem millionar kroner til fv. 615.

– Ved å sprengje vekk skjeringa kan vi utvide vegen,

og bruke massane til fylle på og utvide vegen på ei lengre strekning. Det vil bli om lag 500 meter ny veg, seier Grytten.

Norsk Countrytreff må avlyse



Vassendgutane har vore i Breim mange gongar, men den planlagde konserten i haust er avlyst. Arkivfoto.

Norsk Countrytreff må avlyse Barnas Country og konsertar med Vassendgutane og Folk Flest, som var planlagde 1. og 2. oktober.

FT: Aadne Gloppestad

– Slik retningslinjene for smittevern er i dag, og med usikkerheit for når det blir oppslepp, ser vi ingen annan utveg enn å avlyse dei planlagde konsertane, seier dagleg leiar Arve Kleppe i ei pressemelding.

Norsk Countrytreff hadde sett fram til å arrangere Barnas Countrytreff og konsert på

festivalområdet 1. og 2. oktober, som eit plaster på såret for at årets festival vart avlyst. Etter ei grundig vurdering av aktuelle smitteverntiltak og dagens smittesituasjon, har festivalleiinga kome fram til at det ikkje er mogleg å gjennomføre konsertane.

– Vi planla å setje opp eit sirkustelt på arenaen, der både Barnas Country på fredagen, og konsertane på laurdagen skulle haldast. På arenaen medfører avgrensingane ei rekkje logistikkutfordringar og tiltak som ikkje let seg løyse på ein god måte. Slik smittesituasjonen er no, er det heller ikkje forsvarleg å samle borna i

Gloppen og deler av Sunnfjord til eit felles arrangement. Vi er utruleg leie oss for at det ikkje blir noko av, seier Kleppe.

Barnas Country var planlagt som eit gratisarrangement, medan billettane til konsertane med Vassendgutane og Folk Flest førebels ikkje var lagde ut for sal, men fleire ihuga fans hadde meldt si interesse for musikkfesten.

– No går vi på med liv og lyst for å planlegge og gjennomføre ein skikkeleg festival til neste år. Mykje er allereie på plass, og vi ser fram til å kunne ønskje publikum velkomne til festivalområdet 13.-17. juli 2022.

					
SOL			MÅNE		
	OPP	NED		OPP	NED
14.9.	06.59	20.04	14.9.	18.32	21.59
15.9.	07.02	20.01	15.9.	19.31	23.07
16.9.	07.04	19.57	16.9.	19.56	
17.9.	07.07	19.54	17.9.	20.06	00.44
FLO			FJÆRE		
14.9.	04.45	17.18	14.9.	11.17	-
15.9.	06.10	18.47	15.9.	00.03	12.42
16.9.	07.54	20.19	16.9.	01.38	14.11
17.9.	09.17	21.26	17.9.	02.58	15.21

Kjeldeanvisning: Statens Kartverk Sjøkartverket. Tidevanstabeller for den norske kyst med Svalbard. Løye 208/95

Takk
for minnegåva i høve
Solveig Langeteig si gravferd.
Helsing Gloppen Røde Kors

Takk
for minnegåve i høve
Egil Magne Raad sin bortgang.
**Med helsing oss
på Øreteigen**

■ Vi gratulerer

Viljar Oppheim
Rønnekleiv - 4 år!



Hipp hipp HURRA
for VILJAR 4 ÅR!
Du er god, tøff, snill, kul,
smart, bror, god venn, dyktig,
søt, morsom, leiken og modig!
Håpar bursdagen din blir
SUPERFIN!
Vi alle er så SUPER-DUPER
GLADE I DEG, VILJAR!
**Jeussklemmar frå
Storebrødrene
Odin og Brage,
Gaute,
Iver og Finn,
Henrik, Aksel og Mikkell,
besten og besta-mormor**

**Nordfjord
Nærradio**
Onsdag 15. september

Kl. 20.15. Snart klar,
tlf. 57860660.

Gullpott kr. 15000 -
54 trekte tal.

Kl. 20.30. Bingo ved Britt
Myrøld.

Teknikk: Andreas Silden.

Fredag 17. september

Kl. 22.00. Fredagskveld
med John Elling frå Trivsels-
hjørnet, tlf. 57860660.

Teknikk: Kristoffer August.

Ansvarleg redaktør:
John Roar Øien.


Min snille Arne, vår gode
pappa, kjære son, storebror,
svoger og onkel
Arne Søreide
f. 15.2.1968
sovna stille inn i dag
Ålesund sjukehus/Stranda,
10. september 2021

Vijitra

**Erik
Ole Petter**

Jorunn og Anders
(foreldre)

Bjørn - Madelin

Tone-Merethe - Martinus

**Jan-Andre, Inge-Bjarte,
Olivia, Kenneth, Ingri-Eline,
Andreas og Mathea**

**Familien i Thailand
og familien elles**

Høgt elska – sårt sakna

Gravferd frå Stranda kyrkje
fredag 17. september
kl. 13.00 for venner,
familie og inviterte.

Like kjærte som blommar
er ei gåve til kreftavd.
v/Ålesund sjukehus
K.nr. 8601 72 19156


Mi kjære kone,
vår kjære mor, svigermor,
bestemor og oldemor
Oddny Helgheim
f. Paulen 02.01.1930
døydd uventa, men fredfullt
frå oss, 10. september 2021

Alf

**Reidar – Randi
Nils-Magnar – Karen**

Stine, Kristine, Thomas

Maiken, Linnea

Alle er velkomne i
gravferd frå Helgheim kyrkje
fredag 17. september
kl. 10.30. Like kjærte som
blommar er ei gåve på
kontonr. 3710 15 63139,
til Paulsmusikken,
merkt Oddny Helgheim.
Det er oppretta minneside
på www.fjordan.no

Pengar til Jakob Sande-senteret

Jakob Sande-senteret i Fjaler får ei løyving på 1 million kroner i regjeringa sitt framlegg til statsbudsjett for 2022.

Regjeringa tok i 2019 initiativ til å få til ei nasjonal satsing for å byggje opp eit Jakob Sande-senter i Fjaler. Senteret blei opna i august 2020.